



Masfjorden kommune

Møtebok for Formannskapet

Møtedato: 27.04.2020
Møtestad: Kommunehuset / Teams
Møtetid: 13:00 - 15:00

Frammøtte medlemmer	Parti	Rolle
Karstein Totland	H	Ordfører
Torill Torsvik Størkersen	AP	Varaordfører
Geir Egil Haugsvær	Sp	Medlem
Erlend Kvamsdal	H	Medlem
Siri Tangedal Kratzmeier	Krf	Medlem

Følgjande frå administrasjonen møtte:

Rådmann Svein Helge Hofslundsengen, ass.rådmann Sveinung Toft og rådgjevar Anne Kristin Rafoss som førte møteboka.

Sakliste

Saksnummer: Sakstittel:

028/2020	Godkjenning av innkalling og sakliste	s. 03
029/2020	Godkjenning av møtebok	s. 04
030/2020	Klage på delegert vedtak	s. 05
031/2020	Avtale om framtidig kjøp av næringsareal på Matre	s. 11
032/2020	Gjeld etablering av veglysgrøft langs fylkesveg 570 på Kvinge	s. 13
033/2020	Oppstart av reguleringsplan for Storskjeret på Sandnes	s. 15
034/2020	Sak om styrking av mobildekninga på kommunehuset	s. 18
035/2020	Ekstraløyving investering Fensfjord bygg	s. 21
036/2020	Handlingsplan mot vald i nære relasjonar 2020-2023	s. 23
037/2020	Revisjon av alkoholpolitisk handlingsplan for 2020 - 2024	s. 25
038/2020	Nye salsløyver for alkohol perioden 2020 - 2024	s. 30
039/2020	Nye skjenkeløyver for 2020 - 2024	s. 34
040/2020	Referatsak	s. 40

Sakspapir

Sakshandsamar	Arkiv	ArkivsakID
Anne Kristin Rafoss	FE-033	20/368

Saknr	Utval	Type	Dato
028/2020	Formannskapet	PS	27.04.2020

Godkjenning av innkalling og sakliste

Rådmannen sitt framlegg til vedtak:

Innkalling og sakliste vert godkjend

Saksopplysningar:

Formannskapet - 028/2020

FS - behandling:

Framlegg til vedtak vart samrøystes vedteke

FS - vedtak:

Innkalling og sakliste vert godkjend

Sakspapir

Sakshandsamar	Arkiv	ArkivsakID
Anne Kristin Rafoss	FE-033	20/368

Saknr	Utval	Type	Dato
029/2020	Formannskapet	PS	27.04.2020

Godkjenning av møtebok

Rådmannen sitt framlegg til vedtak:

Møtebok vert godkjend.

Saksopplysningar:

Formannskapet - 029/2020

FS - behandling:

Framlegg til vedtak vart samrøystes vedteke.

FS - vedtak:

Møtebok vert godkjend.

Sakspapir

Sakshandsamar	Arkiv	ArkivsakID
Thomas Skår	Gbnr-14/36, FA-L42	18/520

Saknr	Utval	Type	Dato
030/2020	Formannskapet	PS	27.04.2020

Klage på delegert vedtak

Vedlegg:

Journalposttittel	Dato
Søknad om tillatelse til tiltak uten ansvarsrett - bygging av anneks/hytte - gbnr 14/36	02.08.2018
B_ Dispensasjon (AW P268 2018)	02.08.2018
C_ Nabovarsel (AW P268 2018)	02.08.2018
DE_ Sit.plan og tegninger_ny (AW P268 2018)	02.08.2018
Q_ Fullmakt (AW P268 2018)	02.08.2018
Klage - Masfjord	08.10.2018
Vurdering av rasfare - gbnr 14/36 Hosteland	31.03.2020
Søknad om tillatelse til tiltak uten ansvarsrett - bygging av anneks/hytte - gbnr 14/36	14.09.2018

Rådmannen sitt framlegg til vedtak:

Klage frå Fylkesmannen i Hordaland vert ikkje teke til følgje. Det vert stilt krav til at tiltakshavar gjer avbøtande tiltak for å minske fare for skred.

Saksopplysningar:

Bakgrunn

Masfjorden kommune har 08.10.2018 mottatt klage frå Fylkesmannen i Hordaland på delegert vedtak saknr 071/2018 datert 11.09.2018. Det er i delegert vedtak gjeve løyve til dispensasjon frå plan- og bygningslova § 1-8 og frå LNF-føremål i arealdelen til kommuneplanen for oppføring av anneks/hytte på gbnr 14/36.

Høyring

Søknaden er nabovarsla i samsvar med plan- og bygningslova § 21-3. Det føreligg ikkje merknader til søknaden.

Fakta

Saka gjeld klage frå Fylkesmannen i Hordaland (no Vestland) på Masfjorden kommune sitt vedtak saknr 071/2018 datert 11.09.2018. Det er i vedtak saknr 071/2018 gjeve løyve til dispensasjon frå LNF-føremål i arealdelen til kommuneplanen og plan- og bygningslova § 1-8 forbod mot tiltak mv. langs sjø og vassdrag for oppføring av anneks/hytte gbnr 14/36.



Masfjorden kommune gjorde vedtak 11.09.2018 og klage frå Fylkesmannen i Hordaland vart journalført 08.10.2018. Saka vart deretter satt på vent i påvente av rapport frå geolog som kunne avklare fare for skred, ettersom området ligg i aktsemdområde for skredfare. Fylkesmannen vart ikkje informert om at saka vart satt på vent fram til kommunen fekk fagkyndig rapport frå geolog.

Saka var på klagevurdering hjå Fylkesmannen hausten 2018. Det vart då mellom anna klagt på at omsøkt eigedom ligg i aktsemdområde for skred, og at det ikkje var gjort sakkyndig vurdering av fare for skred på staden. Det har no vore gjort undersøkingar av geolog, og det vert vist til rapport datert 11.03.2020. Geolog konkluderer med at det på bakgrunn av befaring og kart anser det planlagde tiltaket å vere utanfor soner med naturfare. Geolog har kome med forslag til avbøtande tiltak, og det bør stillast vilkår i løyve at det vert gjort tiltak for å minske fare for skred. Forslag frå geolog er at det må etablerast ei forsenking/grøft mellom nederste bergskreng og skråning beståande av morenemateriale aust for skrent. Denne må vere minst 1 meter brei og minst 50 cm høgare ytterst enn innerst.

Tiltaket ligg i område i kommuneplanen avsatt til LNF-føremål og innanfor 100-metersbeltet langs sjø/vassdrag. Det er allereie bygd fleire hus, naust og boder i området. Annekset/hytta er søkt å verte oppført med eit BYA på 30 m², og det totale BRA vil verte 25,8m². Hems på 10,6 vil ikkje ha målbart areal.

Tiltent areal er ikkje dyrkbart og vert ikkje nytta til beite. Tiltaket vert plassert 66,5 meter frå sjø. Det vil verte etablert gangsti frå parkeringsplass og opp til hytta. Det vil skje noko terrenginngrep. Stedlige massar vil verte brukt og vil verte lagt tilbake slik at området ser mest mogleg uberørt av tiltaket. Annekset vil tidvis verte brukt til overnatting/utleige, men med begrensa overnattingsdøgn.

Situasjonskart under viser plassering av omsøkt tiltak samt eksisterande bebyggelse i området.



Fasade på omsøkt tiltak


Masfjorden 2012-2024. Området på gbnr 14/36 hadde då LNF-føremål, som vist med grøn farge på kartet under.



Fylkesmannen påpeiker i klage datert 04.10.2018 at det konkrete området var vurdert i samband med ny kommuneplan. Området vart ikkje tatt inn, og det synast underleg å gje dispensasjon for same formål no.

I planskildringa til kommuneplan 2018-2030 vart deler av arealet tilrådd til nytt arealføremål frå LNF til LNF spreidd næring eller fritids- og turistføremål. Bakgrunn for dette var at den største utfordringen for området er tilkomstveg, som ikkje er eigna for større utbygging. Vegen har kapasitet til å handtera ei mindre utbygging, og ein legg difor opp til at det kan etablerast nokre fritids- og turisttilknytta næring på deler av det innspelte arealet.

Ved rullering av kommuneplan vart deler av gbnr 14/36 gjort om til LNF- spreidd næringsbebyggelse. Dette som vist med «NÆ» og mørk-grøn felt i arealdelen til kommuneplan 2018-2030, som vist på kart under.



Vurdering

I klage frå Fylkesmannen datert 04.10.2018 står det at: «I grunngjevinga av vedtaket står det mellom anna: «Administrasjonen kan ikkje sjå at omsøkt tiltak vil koma i konflikt med viktige arealinteresse, helse, miljø, tryggleik, tilgjenge eller landskapskvalitetar». Fylkesmannen er ikkje samd i denne vurderinga fordi området ligg i aktsemdsområde for snøskred og det kan vere fare for steinsprang. Vi kan ikkje sjå at dette er konkret vurdert eller tatt omsyn til. Fylkesmannen si vurdering er at faren for snøskred og steinsprang må avklarast før det eventuelt kan vurderast dispensasjon i denne saka.»

Administrasjonen er samd med Fylkesmannen at fare for skred må vurderast nærmare før ein kan gjeve dispensasjon i saka. Etter byggteknisk forskrift (TEK 17) kapittel 7 sikkerheit mot naturpåkjenningar skal tiltak plasserast, dimensjonerast eller sikrast mot skred.

Det har no vore gjort undersøking av geolog som konkluderer med at den omsøkte tomte ansees å vere utanfor soner med naturfare. Vegetasjon, klimatiske og topografiske forhold utelukker fare for snøskred. Konklusjon er basert på befaring og kart. Geolog har også kome med avbøtande tiltak som kan minske faren for skred i framtida.

Kommunen kan berre dispensere dersom omsynet bak det formålet området er sett av til i arealdelen til kommuneplanen og plan- og bygningslova sine formål ikkje vert vesentleg

tilsidesette. I tillegg må fordelane ved å gjeve dispensasjon vere klart større enn ulempene, jf. plan- og bygningslova (pbl.) § 19-2 andre ledd. Vilkåra i plan- og bygningslova § 19-2 er kumulative vilkår, jf. pbl § 19-2 (2). Det vil seie at alle vilkåra må vere oppfylt før ein kan gje dispensasjon.

Ved dispensasjon frå lov og forskrift skal det leggjast særleg vekt på dispensasjonen sine konsekvensar for helse, miljø, tryggleik og tilgjenge. Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon når ei statleg eller regional styresmakt har gjeve negativ uttale til søknaden, jf. pbl. § 19-2 (4).

Reglane forutset at det ikkje skal vere ei kurant sak å få dispensasjon, ikkje minst er dette viktig for å unngå presedensvirkning. Bygningsmyndigheitene bør ikkje bruke si dispensasjonsmynde på ein slik måte at ein undergrev plananes funksjon. Omsyn til offentlegheit, samråd og medverknad tilseier derfor at endring av arealbruk i høve til det som er fastlagt i plan, primært bør skje gjennom planprosess.

Omsynet bak byggjeforbodet i strandsona er å gje strandsona eit særskilt vern og halde den fri for tiltak for å sikre ålmenne interesser, spesielt ferdsle, friluftsiinteresser og landskapsomsyn. Desse omsyna vil, i varierende grad, og gjere seg gjeldande på bygd eigedom. Til dømes vil landskapsomsyn, landskapsestetikk, tilseie at fysiske inngrep i strandlinja må avgrensast. Kommunane skal handheve ein streng dispensasjonspraksis i strandsona, jf. arealpolitisk retningsline nr. 11 i Fylkesplan for Hordaland 2005-2008. Forbodet i § 1-8 mot bygging i 100-metersbeltet langs sjø veier tungt. jf. Ot. prp. 32 (2007-08) side 243.

LNF-områdene i kommuneplanen skal gjeve landbruks- natur- og friluftsiinteresser eit særskilt vern. Terrengtet i området er småkupert, med bratt stigning i vest, og nokre knausar og helling mot sjø i sør og aust. Det ligg i dag fleire bustader, naust og bryggjer på staden. Kommunen vurderer det slik at omsyn som ligg til grunn for arealføremålet «LNF» i liten grad gjer seg gjeldande på den omsøkte eigedomen, og at ein dispensasjon ikkje vesentleg tilsideset de hensyn som ligg til grunn for arealføremålet.

Moment som talar for godkjenning:

- Omsøkt tiltak vil ikkje gje nokon bruksendring for område, som allereie er utbygd.
- Arealet i strandsona vert etter kommunen si vurdering lite påverka.
- Tiltaket vil ikkje føre til ulemper for naboar eller andre.
- Tiltaket vil bli ein naturleg del av eksisterande bebygging, og vil ikkje koma nærare sjø enn eksisteranda bebygging.
- Tiltakshavar ynskjer å leie ut i sommarperioden og framme bruken av området til friluftsliv for seg sjølve og turistar.
- Lokaliseringa av området i forhold til sentrumsområde på Hosteland er god, og næringsutvikling er ynskjeleg.

Moment for å avslå søknad:

- Tiltaket ligg innanfor 100-metersbeltet frå sjøen med forbod om tiltak langs sjø og vassdrag.
- Regional styresmakt har gjeve negativ uttale til søknaden.

Arealet ligg innanfor 100-metersbeltet mot sjø der det skal «tas særleg hensyn til natur- og

kulturmiljø, friluftsliv, landskap og andre allmenne interesser», jf. Pbl § 1-8.

Tiltaket vil ikkje endra bruken av strandsona i området sidan det allereie er bustader, vegar, bodar og naust i området.

Masfjorden kommune vurderer ut i frå dette at friluftsliv og andre ålmenne interesser ikkje vil verte vesentlig tilsidesett ved oppføring av eit anneks/hytte. Administrasjonen kan ikkje sjå at omsøkt tiltak vil koma i nokon konflikt med naboar eller andre viktige arealinteresser, helse, miljø eller tryggleik.

Det har i vurderinga blitt lagt vekt på omsynet til kommuneplanen sin arealdel, nærleik til sjø og forbod mot tiltak i 100-meters beltet i strandsona (pbl § 1-8), samt omsynet til natur, miljø og friluftsliv.

Etter administrasjonen si vurdering er det overvekt av moment som talar for godkjenning av søknad om dispensasjon, i samsvar med plan- og bygningslova § 19-2.

Konklusjon

Klage frå Fylkesmannen i Hordaland vert ikkje teke til følgje. Det vert stilt krav til at tiltakshavar gjer avbøtande tiltak for å minske fare for skred.

Formannskapet - 030/2020

FS - behandling:

Saka vart drøfta.

Erlend Kvamsdal (H) sa han var ugild pga nært slektskap med søkjar. Formannskapet slutta seg samla til at Kvamsdal var ugild og han forlot møtet

Framlegg til vedtak vart samrøystes (4 røyster) vedteke.

FS - vedtak:

Klage frå Fylkesmannen i Hordaland vert ikkje teke til følgje. Det vert stilt krav til at tiltakshavar gjer avbøtande tiltak for å minske fare for skred.

Sakspapir

Sakshandsamar	Arkiv	ArkivsakID
Sveinung Toft	Gbnr-52/46, FE-611	20/338

Saknr	Utval	Type	Dato
027/2020	Formannskapet	PS	31.03.2020
031/2020	Formannskapet	PS	27.04.2020

Avtale om framtidig kjøp av næringsareal på Matre


Rådmannen sitt framlegg til vedtak:

Masfjorden kommune sluttar seg til inngåtte opsjonsavtalar på gnr 52 bnr. 49 og gnr 52 bnr 46 på Matre. Naudsynte midlar vert sett av frå disposisjonsfondet.

Saksopplysningar:

Bakgrunn og fakta:

I samband med planarbeid og drøftingar med aktuell datalagringsbedrift på Matre kom det fram klare ønskjer frå bedrifta, at det var viktig for denne å forhalda seg berre til BKK og Masfjorden kommune med omsyn på framtidig bruk av næringsområdet. Sidan det er to mindre tomter i området, som er eigd av private, vart det naudsynt for kommunen å inngå avtale om eventuelt framtidig kjøp av deira eigedomar, som kan aktualiserast med ein gang ei datalagringsbedrift vel å etablere seg i dette næringsområdet. Nedunder er kart over næringsområdet vist, og dei to eigedomane saka gjeld er gnr 52 bnr 46 og gnr. 52 bnr 49. Begge eigedomane er like under 2 dekar kvar, og er vist med blå farge på to teigar på kartet som er vist nedunder:



For å framstå med truverde i konkurransen om å få etablert ei viktig datalagringsbedrift har difor

Masfjorden kommune v/ ordfører signert to opsjonsavtaler med dei to grunneigarane. Det vert betalt månadsleige for dei to eigedomane, som i 2020 til saman vil utgjera om lag 56.000,- kroner eks mva. Den eine opsjonen kan forlengast vidare i 2021, den andre er alt inngått for 2021.

Vurdering

For å gjera næringsområdet på Matre interessant for ein stor aktør er det viktig for kommunen å visa eigarskap til eit samanhengande næringsareal, slik at kommunen kan framstå med tyngde og gjennomføringskraft i dei vidare prosessane med å få etablert eit større prosjekt i dette området. Avtalane måtte inngåast relativt hurtig, for at kommunen i eit viktig møte på Kokstad tidleg i mars, med sentrale aktørar til stades, kunne dokumentere at ein hadde kontroll på samanhengande areal i næringsområdet. Utarbeidde skisser i samband med arbeidet med ny reguleringsplan for området, viste og at vegar og tomtestrukturen måtte endrast inne på området, for at det skal verta attraktivt å utvikla det vidare for den aktuell datalagringsbedrifta.

Konklusjon

Rådmannen tilrår at formannskapet sluttar seg til inngåtte opsjonsavtaler, og at det vert sett av naudsynte midlar over disposisjonsfondet.

Formannskapet - 027/2020

FS - behandling:

Saka vart drøfta.

Det vart sett fram framlegg å om å utsette saka.

Framlegg til vedtak sett fram i møtet vart samrøystes vedteke.

FS - vedtak:

Saka vert utsett.

Formannskapet - 031/2020

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Masfjorden kommune sluttar seg til inngåtte opsjonsavtaler på gnr 52 bnr. 49 og gnr 52 bnr 46 på Matre. Naudsynte midlar vert sett av frå disposisjonsfondet.

Sakspapir

Sakshandsamar	Arkiv	ArkivsakID
Sveinung Toft	FA-T51	20/335

Saknr	Utval	Type	Dato
026/2020	Formannskapet	PS	31.03.2020
032/2020	Formannskapet	PS	27.04.2020

Gjeld etablering av veglysgroft langs fylkesveg 570 på Kvinge

Rådmannen sitt framlegg til vedtak:

Saka vert lagt fram til politisk drøfting.

Saksopplysningar:

Bakgrunn og fakta:

I samband med vegutbetringa som no skjer fleire stadar langs fylkesveg 570 mellom Einestranda til Kvamme, er det kome opp spørsmål frå folk på Kvinge, om det er mogeleg å få etablert veglysgroft sentralt på Kvinge frå brua og opp til avkjørsla til butikken. Både frå Statens Vegvesen og frå andre vert det understreka at det er lurt å ta dette no, om ein ønskjer å få veglys på denne staden. Alternativet med å måtta grave opp fylkesvegen seinare, når vegutbetringa er ferdig, vil auka kostnaden vesentleg og vera lite føremålsteneleg.

Om ein skal gjera dette arbeidet på enklaste måte, må både trekkrør, jordingskabel og fundament monterast no i samband med vegarbeidet, og då kan ein om det er ønskeleg for å spare pengar i år velje å løyve midlar til trekking av el-kabel og montering av stolpar i ettertid.

Kostnaden med å etablere grøfta med trekkrør, jordingskabel, fundament (om lag 11stk), trekkerkummar, samt til prosjektering/utarbeiding av arbeidsteikningar (med detaljert plassering av fundament og grøftesnitt med vidare), vert av Statens Vegvesen estimert til ca krone 500.000,- eks mva. Ei ferdiggjering med kabling og stolpar med lysarmatur vert stipulert til ca 250.000,- eks mva. Nettoinvesteringa samla sett vil då koma på ca 750.000,- eks mva. Sidan veglysa gjeld langs ein fylkesveg er det usikkert om kommunen vil få meirverdiavgifta tilbake.

Statens Vegvesen har ikkje midlar til veglys på denne staden, og difor vert denne saka lagt fram til politisk handsaming for eventuell ekstraløyving.

Vurdering

Før arbeidet kan starta opp må det prosjekterast og lagast byggjeteikningar med plassering av fundament og grøftesnitt. Dette må tingast så snart råd er, om det skal vera mogeleg å få dette gjort samstundes med sjølve vegarbeidet, som entreprenør planlegg å starta opp rundt 17. april.

Sidan Statens Vegvesen har gjeve melding om at dei ikkje har midlar til veglys på denne staden, og at om noko skal skje no, må kommunen sjølv ta ansvaret for å finna midlar. Av den grunn vert

denne saka no lagt fram til politisk handsaming for avklaring.

Konklusjon

Rådmannen vil peike på at den økonomiske stoda til Masfjorden kommune er svært pressa, og at kommunen no må vera tilbakehalden med å ta på seg fleire investeringar. Saka vert difor lagt fram utan tilråding.

Formannskapet - 026/2020

FS - behandling:

Saka vart drøfta.

Ordførar Karstein Totland (H) sette fram forslag om å utsette saka.

Framlegg til vedtak frå Totland vart samrøystes vedteke.

FS - vedtak:

Saka vert utsett.

Formannskapet - 032/2020

FS - behandling:

Saka vart drøfta.

Det vart jobba fram følgjande framlegg til vedtak i møtet:

Ordførar får fullmakt til å forhandle med Statens vegvesen om å få etablert veglys langs fylkesveg 570 på Kvinge.

Framlegg til vedtak jobba fram i møte vart samrøystes vedteke.

FS - vedtak:

Ordførar får fullmakt til å forhandle med Statens vegvesen om å få etablert veglys langs fylkesveg 570 på Kvinge.

Sakspapir

Sakshandsamar	Arkiv	ArkivsakID
Sveinung Toft	FA-L12	20/371

Saknr	Utval	Type	Dato
033/2020	Formannskapet	PS	27.04.2020

Oppstart av reguleringsplan for Storskjeret på Sandnes

Vedlegg:

Journalposttittel	Dato
Innspel til framlegg til planstrategi for Masfjorden kommune	15.04.2020
A3_revidert_utkast_SB as_(rev 02	15.04.2020
A3_revidert_utkast_SB as_(rev 02) plankart	15.04.2020
Slippen_03	15.04.2020
Slippen_04	15.04.2020
Slippen_09	15.04.2020
Slippen_08	15.04.2020

Rådmannen sitt framlegg til vedtak:

Masfjorden kommune startar opp reguleringsplan for Storskjeret på Sandnes. Hovudføremålet med planarbeidet er å sikre areal til daglegvarebutikk med naudsynt infrastruktur.

Midlar til planarbeidet må innarbeidast i samband med revidering av budsjett, og vere på plass før oppstart av sjølve planarbeidet.

Saksopplysningar:

Bakgrunn og fakta:

Planstrategien for Masfjorden kommune vart vedteke i kommunestyret den 03.02.2020 i sak 009/20. Det vart då gjort følgjande samrøystes vedtak:

«Framlegg til planstrategi for Masfjorden kommune 2020 2023 vert godkjent med følgjande endringar i kap. 8. under prioriterte planar 2020 - 2023 :

Nye planar som skal innarbeidast:

1. Kommunedelplan for trafikksikring - oppstart 2020
 2. Reguleringsplan for Slippen/ Storskjeret på Sandnes - oppstart 2020
 3. Reguleringsplan for området Kvalhogen og Olderstuen oppstart 2020
 4. Reguleringsplan for bustad og næringsområdet på Matre - oppstart 2020
- Planstrategidokumentet skal reviderast hausten 2020.»

Styret i Sandnesbutikken AS skreiv brev (vedlagt saka) dagsett 07.01.2020 til planstrategiarbeidet med mellom anna følgjande innhald:

«Styret i Sandnesbutikken AS har sett på moglege alternativ og har enda opp med at utfylling i sjø ved Slippen er det einaste som er aktuelt no, når så mykje areal på Sandnes er bandlagt i samband med brua.

Styret vil be kommunestyret prioritera reguleringsplan for Slippen som nr 1 av dei planane kommunen skal arbeida med i perioden og at arbeidet med denne reguleringsplanen må starta i 2020.

Grunngjeving:

Lokalsamfunnsutvikling - folketalsutvikling og bustadbygging er eit av fokusområda i kommuneplanen. Masfjorden kommune har folketalsauke som eit overordna mål. Kommunestyret har godkjent areal til bustadbygging i Botnaneset i arealplanen. Me veit at barneskule, barnehage og daglegvarebutikk er viktig for at unge familiar skal slå seg ned i ei bygd. Dersom butikken no må nedleggast fordi det ikkje finst næringsareal til ein ny, kan det visa seg vanskeleg å få folk til å bygga seg hus her. Framtida for butikken er slik sett avgjerande for framtida til bygda.»

Adminstrasjonen har hatt fleire møter med representantar frå Sandnesbutikken AS, og styret der har som grunnlag for det vidare planarbeidet, fått utarbeidd planskisser med illustrasjonar (sjå vedlegg) som viser korleis dei tenkjer at området ved Storeskjeret kan utviklast vidare. Styret i Sandnesbutikken AS har formidla at butikken må ut av lokalet på Sandnes, og at det difor hastar å finna ein høveleg ny stad for lokalisering. Fleire aktuelle stadar er vorte drøfta, og konklusjonen er at det er vanskeleg å finna ein meir egna stad enn området ved den gamle Slippen innanfor Storeskjeret. Det vert vist til at på denne tomte kan båtar lett koma til butikken, både for bunkring av drivstoff og for å handla, og at nærleiken til ferjekaien og fylkesveg 570 gjer staden attraktiv og lett tilgjengeleg for publikum. Ei lokalisering her vil og inngå i ei naturleg tettstadsutvikling, og vera med på å byggje opp under Sandnesbygda. I kommuneplanen er dette området og innanfor den vedtekte senterstrukturen for kommunesenteret på Sandnes. Det vert vist til punkt 3.1.10 i føresegnene der det står:

« A. Sandnes er kommunesenteret med kommunehuset. Avgrensing er mellom ferjekaia på Masfjordnes og 750 meter sør for Sandnes barnehage til og med Botnaneset.»

Skissa viser planlagt planavgrensing, og at ein tenker at sjølve Storeskjeret kan vera LNF – område som i dag, og at ein sikrar noko areal til friområde/ bading i deler av strandområdet, samt at eksisterande naust kan fortettast med eitt naust til. At deler av området alt er bygd ut med parkeringsplass og at tilkomsten vil skje via kommunevegen, er med på å gjera tomte enklare å ta i bruk.

Vurdering

Rådmannen vil visa til at området i og ved Storeskjeret vart drøfta når kommuneplanen var på høyring i 2018, og i framlegget var inne som eit byggjeområde for sentrumsfunksjonar (Sentrumsføremål/ næring/forretning og service/teneste med vidare).

Fylkesmannen kom med motsegn på dette aktuelle området, og i dialogmøte med Fylkesmannen om dette og mange andre tema i framlegget til ny kommuneplan, valde kommunen å ta dette området tilbake til LNF – føremål, med unnatak av det som gjeld parkeringsplassen, som tidlegare og låg inne

Ein viktig årsak til at kommunen trakk ut dette byggjeområdet, var at ein trudde at Sandnesbutikken framleis kunne vera i det lokalet butikken har i dag, og at det difor ikkje var påkravd å ta arealet ved Storeskjeret i bruk til butikkføremål. På kort tid har situasjonen likevel endra seg, og på bakgrunn av dette rår ein til at det no, og i samsvar med godkjent planstrategi, vert starta opp offentleg planarbeid i kommunal regi. Rådmannen er samd med Sandnesbutikken AS sitt styre at dette aktuelle tomteområdet innanfor Storeskjeret har ei svært gunstig lokalisering med omsyn på tilgjenge for publikum og for varetransport med vidare, og at det er vanskeleg å sjå

for seg andre gode alternative tomter innanfor det definerte sentrumsområdet på Sandnes.

Dersom det vert gjort vedtak som tilrådd, må det hentast inn tilbod på planarbeidet etter reglane om anskaffingar i offentleg regi, og det er difor vanskeleg på førehand å vita kva kostnader dette planarbeidet vil påføre kommunen. Sidan planområdet er avgrensa i storleik og omfang kan ein sjå for seg at kostnaden likevel kan stipulerast til ein stad rundt krone 250.000,- eks. mva. Då tek ein atterhald om ekstra kostnader som kan koma i samband med planarbeidet.

Store deler av Storeskjeret høyrer til hovudbruket gnr 30 bnr 2, og ein del av arealet der parkeringsplassen ligg er det Masfjorden kommune som eig (gnr 30 bnr 14). Den vestlege delen av planområdet er det Fjon Båtlag som festar. I samband med planarbeidet må eigedomstilhøva klarleggjast nærmare.

Samstundes vil rådmannen understreka at planarbeidet som no pågår i næringsområdet på Matre i tillegg til sjølve plankonsulentarbeidet, krev ressursar både til flom- og rasvurderingar, og at det difor er avgrensa midlar til å gjennomføre offentlege planar i kommunal regi i 2020. Det er difor viktig at ein har på plass finansiering av dette planarbeidet på Sandnes før oppstart av sjølve planarbeidet.

Konklusjon:

Masfjorden kommune startar opp reguleringsplan for Storskjeret på Sandnes. Hovudføremålet med planarbeidet er å sikre areal til daglegvarebutikk med naudsynt infrastruktur. Midlar til planarbeidet må innarbeidast i samband med revidering av budsjett, og vere på plass før oppstart av planarbeidet.

Formannskapet - 033/2020

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Masfjorden kommune startar opp reguleringsplan for Storskjeret på Sandnes. Hovudføremålet med planarbeidet er å sikre areal til daglegvarebutikk med naudsynt infrastruktur.

Midlar til planarbeidet må innarbeidast i samband med revidering av budsjett, og vere på plass før oppstart av sjølve planarbeidet.

Sakspapir

Sakshandsamar	Arkiv	ArkivsakID
Sveinung Toft	FA-T77	20/336

Saknr	Utval	Type	Dato
034/2020	Formannskapet	PS	27.04.2020

Sak om styrking av mobildekninga på kommunehuset

Vedlegg:

Journalposttittel

Rapport etter befaring og dekningsmåling Tilbud Kommunehuset i Masfjorden

Dato

29.03.2020

Rådmannen sitt framlegg til vedtak:

Prosjektet vert innarbeidd i revidert budsjett 2020, evt. økonomiplan i samband med rammesak 2021-24.

Saksopplysningar:

Bakgrunn og fakta:

I lengre tid har det vore varierende mobildekning på kommunehuset. Dette gjeld både inne på møterom, i korridorar og inne på mange kontor. På grunn av dette tok administrasjonen kontakt med IKTN, for å høyra kva som burde gjerast. Dei tilrådde at det vart gjort målingar frå eit profesjonelt føretak, som arbeider med å kartleggje mobildekning og signalstyrker både inne og ute.

Det ligg no føre rapport dagsett 04.02.2020 frå føretaket Dekningspatruljen som gjeld kommunehuset. Rapporten heiter:

«Måling av signalstyrke og vurdering av mobildekning utvendig og innvendig i bygg»

Rapporten viser at mobildekninga på kommunehuset med omsyn på signalstyrke og dekning er svært varierende, og at det må gjerast ein del tiltak for å få denne til å verta tilfredstillande. Deler av murbygget vender bort frå basestasjonen på Duesund, og det medfører at det er vanskeleg å ta i mot mobilsignaler fleire stadar på huset, spesielt der det ikkje er sikt nordover mot basestasjonen.

Som det står i rapporten:

«Det er 5 Telenor basestasjoner i området. Utfordringen er at 4 av disse ligger mer enn 10 km unna. Nærmeste basestasjon er plassert på Duesund 2,3 km unna (merket med orange sirkel). Det er denne basestasjon som tas inn ved måling i bygget. Utendørsdekningen fra denne basestasjonen er god, og

Saka vart drøfta.

Det vart jobba fram følgjande framlegg til vedtak i møte:

Saka vert sendt attende til rådmannen for vidare utgreiing.

Framlegg til vedtak jobba fram i møte vart samrøystes vedteke.

FS - vedtak:

Saka vert sendt attende til rådmannen for vidare utgreiing.

Sakspapir

Sakshandsamar	Arkiv	ArkivsakID
Malin Daae Steine		20/394

Saknr	Utval	Type	Dato
035/2020	Formannskapet	PS	27.04.2020
019/2020	Kommunestyret	PS	14.05.2020

Ekstraløyving investering Fensfjord bygg

Rådmannen sitt framlegg til vedtak:

Rådmannen sitt framlegg til vedtak:

Kjøp av naudsynt inventar, fiber og oppgradering av datautstyr til helse og heimetenesta på krone 300.000,- vert innarbeidd i revidert budsjett 2020.

Saksopplysningar:

Bakgrunn

Det vert vist til sak 066/2019 Fensfjordbygg, investering inventar (helse, pleie og omsorg) og ombygging barnehage som var oppe i formannskapet 10.09.19. Utifrå førebels kalkylar blei det innvilga 700 000,- til inventar og utstyr til helse og pleie- og omsorg.

Fakta

I innvilga ramme på 700 000,- var det ikkje tatt med skap, skuffeseksjonar og benkeplate til laboratoriet, medisinerom og helsesjukepleiarkontora. I tillegg er det ekstra IKT kostnader knytt til fiber inn til bygget og investering og nødvendig oppgradering av datautstyr til både helse og heimetenesta. Alle desse ekstrakostnadane utgjere om lag 460 000,-

Vurdering

Rådmannen ser behov for auka løyvinga med krone 300 000,- for å finansiere desse ekstra kostnadane i samband med innflytting til Fensfjordbygget, og ber om at dette blir innarbeidd i sak om revidert budsjett i juni 2020.

Konklusjon

Kjøp av naudsynt inventar, fiber og oppgradering av datautstyr til helse og heimetenesta på krone 300.000,- vert innarbeidd i revidert budsjett for 2020.

FS - behandling:

Saka vart drøfta.

Framlegg til vedtak vart samrøystes vedteke.

FS - vedtak:

Kjøp av naudsynt inventar, fiber og oppgradering av datautstyr til helse og heimetenesta på krone 300.000,- vert innarbeidd i revidert budsjett 2020.

Sakspapir

Sakshandsamar	Arkiv	ArkivsakID
Rita Ludvigsen		20/392

Saknr	Utval	Type	Dato
036/2020	Formannskapet	PS	27.04.2020
023/2020	Kommunestyret	PS	14.05.2020

Handlingsplan mot vald i nære relasjonar 2020-2023

Vedlegg:

Journalposttittel

Handlingsplan vold i nære relasjonar Masfjorden kommune 2020 - 2023 rl
21.04.20

Dato

22.04.2020

Rådmannen sitt framlegg til vedtak:

Rådmann sitt framlegg til vedtak:

Handlingsplan mot vald i nære relasjonar 2020-2023 vert vedteken slik den ligg føre.

Saksopplysningar:

Bakgrunn

Stortingsmelding 15 (2012-2013) *Forebygging og bekjempelse av vold i nære relasjoner*

Det er søkelyspå temaet om vald i nære relasjonar i samfunnet generelt. Frå sentrale styresmakter er det oppmoda om å lage handlingsplanar som syner korleis kommunane arbeider for å forebygge,avdekke og avskjerme vald i nære relasjonar. Masfjorden kommune laga ein plan i 2013 som no vert følgd opp med ein ny.

Tidlegare helse og omsorgsleiar starta arbeidet på den nye planen, som no er ferdistilt av oppvekstleiar i samarbeid med konstituert leiar for helse og omsorg.

Høyring

Planen er gjennomgått og drøfta i tverrfagleg støtteteam.

Fakta

Det er vektlagt i planen no som sist at den skal vera konkret, avgrensa i omfang, og lett å setja seg inn i. Den bygger på situasjonen og behov i Masfjorden. Vi treng brei oppslutning i det kommunale tenesteapparatet og vi treng tryggleik slik at innbyggjarane også tør å ta kontakt direkte. Planen

har lenker til aktuelle adresser og tlf. nr som kan vera aktuelle å nytta.

Vurdering

Rådmannen meiner at planen set fokus på viktige tema, som har stort fokus. Ein anerkjenner at der er utfordringar i samfunnet generelt og hos oss. Det medfører at valdsutsette ser at vi er opptatt av dette, og at ein ikkje er aleine om å oppleve vald.

Konklusjon

Rådmannen rår til at planen vert vedteken slik den no ligg føre.

Formannskapet - 036/2020

FS - behandling:

Framlegg til vedtak vart samrøystes tilrådd til kommunestyre.

FS - vedtak:

Rådmann sitt framlegg til vedtak:

Handlingsplan mot vald i nære relasjonar 2020-2023 vert vedteken slik den ligg føre.

Sakspapir

Sakshandsamar	Arkiv	ArkivsakID
Frode Vee-Haugen	FA-U60	20/342

Saknr	Utval	Type	Dato
037/2020	Formannskapet	PS	27.04.2020
024/2020	Kommunestyret	PS	14.05.2020

Revisjon av alkoholpolitisk handlingsplan for 2020 - 2024

Vedlegg:

Journalposttittel

Framlegg til alkoholpolitisk handlingsplan.docx

Dato

01.04.2020

Rådmannen sitt framlegg til vedtak:

Framlegg til alkoholpolitisk handlingsplan vert vedteke slik den ligg føre vedlagt

Saksopplysningar:

Bakgrunn

Alkoholpolitisk handlingsplan skal reviderast minimum ein gong i kommunestyrebolken, jf. Pkt 3.1 – Tiltak og kontroll

Fakta

Alkoholpolitisk handlingsplan er eit viktig styringsdokument for alkoholpolitikken til kommunen og lovpålagt i alkohollova jf. § 1-7d.

Alkohollova brukar ikkje omgrepa øl, vin og brennevin men:

Alkoholhaldig drikk gruppe 1: Over 2,5 og høgst 4,7 volumprosent alkohol.

Alkoholhaldig drikk gruppe 2: Over 4,7 og mindre enn 22 volumprosent alkohol.

Alkoholhaldig drikk gruppe 3: Mellom 22 og 60 volumprosent alkohol.

Framlegget til ny handlingsplan er oppdatert i høve til denne definisjonen.

Ambulerande løyver og andre lukka einskildarrangement er innarbeida i alkoholpolitisk handlingsplan slik at eksisterande skjenkestader kan få innarbeida slike arrangement som ein del av løyvet.

Einskildløyver for arrangement

For løyve som gjeld skjenking ved eit einskild høve og ambulerande løyve, kan departementet setta ein særskild gebyrsats. Det er kommunestyret som fastset gebyret.

Departementet har i alkoholforskrifta fastsett at minstegebyret for sal skal vera 1.700,- og for skjenking kr. 5.300,-.

Desse gebyra vert nytta dersom satsane basert på etter innlevert omsetningsoppgåver frå den einskilde sals- og skjenkestad vert liggande under minstegebyret.

Kontaktutval for sals- og skjenkekontrollen

Noverande kontrollordning blei oppretta av Regionrådet for Nordhordland og Gulen 4.09.1997. Kommunane vart oppmoda om å velja eit interimsstyre med to hovudoppgåver:

1. Arbeide fram eit utkast til administrative oppgåver, gjeremål og mynde for styret.
2. Eventuelt vere styre for ordning i perioden fram til hausten 1999(ut noverande kommunevalperiode)

5. februar 1998 vart fyrste møte i kontaktutvalet halde der det heiter at:

Kontaktperson / koordinator for alkoholkontrollar m.m. bør liggja til Lindås kommune.

Kontaktutvalet vert etablert minst mogeleg byråkratisk og bør koma saman eit par gonger for året (etter behov)

Føremålet med kontaktutvalet var å få etablert eit fagleg forum for handsaming av løyvesaker og saker retta mot kontrollar m.v. Utvalet vart såleis eit samråd mellom sakshandsamarane i kommunane. Sekretariatet har heile tida lege i Lindås kommune.

Dei siste åra har me hatt to møter i utvalet årleg da gjerne saman med kontrollørane.

Kontrollrapportar

Alkohollova krev at rapport skal sendast til sals- eller skjenkestad innan ei veke, med høve til å uttale seg innan to veker. Eventuell uttale frå løyvehavar skal så sendast saman med rapporten til kommunen, forskriftene til alkohollova § 9-6, jf. alkohollova § 1-9. Frå og med i år blir kontrollrapportane sende på elektronisk skjema til kommunen, rett etter kontroll.

Alkoholforskrifta krev no at også kontrollørane skal ha greidd kunnskapsprøven og at kontroll av skjenkestader skal utførast av minst to kontrollørar, jf. forskriftene §§ 9-3 og 9-5.

Gebyr for skjenkeløyve ved enkelthøve- storleik på gebyr

Masfjorden kommune har få permanente skjenkestader. Kommunen får stadig fleire søknader om einskildløyve.

Forskriftene gjev løyvestyresmaktene høve til å ta eit minstegebyr på kr. 380 ved ambulerande løyver, jf. forskriftene til alkohollova § 6-1. Når det gjeld løyve for ein bestemt anledning(einskildløyve), jf. alkohollova § 1-6, 2. ledd. skal det betalast eit minste gebyr på kr.

5.300, jf. forskriftene § 6-2, 2. ledd. Forskriftene opnar for at løyvestyresmaktene i særlege tilfelle kan

setta gebyret lågare enn ordinært minstegebyr. Det vert lagt til grunn at løyvestyresmaktene er nærmast til å gjera vurderinga av i kva for tilfelle det vil gje eit svært urimeleg resultat å bruka minstegebyret, jf. forskriftene § 6-2, 7. ledd.

I handlingsplan for 2016 – 2020 har me kravd inn eit minstegebyr på kr. 340 for mindre einskildarrangement og kr. 1.000 for større einskildarrangement, da det elles ville bli altfor dyrt for ein arrangør i ein så liten kommune.

Frist for søknader om skjenkeløyve ved enkelthøve.

Me har til no ikkje operert med frist for innsending av søknad om skjenkeløyve ved einskildhøve. Nokre søknader har kome i siste liten eller svært seint, slik at det vert knapp tid for dei som skal gje uttale, og kort varsel til skjenkekontrollen.

Krav til løyvehavar.

Det er ikkje noko krav om kunnskapsprøve ved skjenkeløyve for einskildhøve. Det er likevel slik at ein festival eller eit større arrangement stiller vel så store krav til løyvehavar som eit permanent løyve. Sjølv om festival eller arrangement skal skje berre over ein dag, så kan konsekvensane bli store dersom ikkje arrangør og eller løyvehavar har tilstrekkeleg innsikt i alkohollova og praktiseringa av den.

Reaksjonar ved brot på alkohollova – prikktildeling

Dette er lagt inn som nye reglar i kapittel 7 – Inndraging av løyve - i handlingsplanen.

Alkoholforskrifta i §§ 10-1 til 10-6 inneheld eit system for prikktildeling ved brot på løyvehavar sine alkoholrettslege plikter. Reglane inneber at ulike brot blir tildelt eit visst tal prikkar og der 12 tildelte prikkar i løpet av to år fører til ein standardreaksjon på inndraging i ei veke.

I alkoholforskrifta er det nemnt eksempel på kva som fører til tildeling av ein, to, fire eller 8 prikkar.

Dersom løyvehavar i løpet av ein periode på to år er tildelt til saman 12 prikkar, skal kommunestyret inndra løyvet for eit tidsrom på ei veke. Dersom det i løpet av to-årsperioden blir tildelt fleire enn 12 prikkar skal kommunestyret auke lengda på inndraginga tilsvarende.

Ordninga er obligatorisk, og kommunar er pliktig til å følgje dei reglane som følgjer av forskrifta. Prikktildelingssystemet er heima i alkohollova § 1-8 tredje ledd.

Det er kommunen ved rådmannen som tek stilling til om eit brot skal gje prikktildeling og i så fall kor mange. I alkoholforskrifta er det synt til eksempel på kva som fører til tildeling av ein, to, fire eller åtte prikkar.

Vurdering

Det er praktisk at også lukka arrangement vert omfatta av alkoholpolitisk handlingsplan og at

desse arrangementa vert handsama som ein del at det ordinære skjenkeløyvet for skjenkestadane.

I handlingsplanen er det sett skilje mellom opningstider og løyve for lukka einskildarrangement og det ordinære løyve elles. Det ville også vera unaturleg om skjenkestader på lik linje med overnattingsstader ikkje skulle få løyve for alkoholgruppe 3 når det gjeld f. eks. bryllaup, jubileum, julebord etc.

Når det gjeld einskildarrangement kan eit minstegebyr på kr. 5.300 gjera nokre av dei små einskildarrangementa til reine tapsprosjekt. Masfjorden kommune har frå og med 2016 kravd eit gebyr på kr. 340,- for mindre arrangement og kr. 1.000,- for større arrangement som omfattar heile kommunen, for eksempel dei tidlegare Kraftspela og kulturdagar. Det er rimeleg at desse gebyra vert sett høgare enn for ambulerande løyver, da dei krev meir sakshandsaming samt har større inntening fordi det er opne arrangement. Sjølv om satsane er auka i alkoholforskrifta så ser eg ikkje behov for å oppjustere desse satsane for kommunen no, med unntak for minstesatsen til 380.

Masfjorden kommune bør stilla krav om kunnskapsprøve også for alle einskildhøve.

Reaksjonar for brot på alkohollova med nytt prikkssystem er også lagt inn som ein del av alkoholpolitisk handlingsplan for 2020 – 2024. Kontrollørane skal ikkje innstille på reaksjonsformer med tal prikkar. Dette er noko kommunen må ta stilling til i høve til de reglane som er skissert i forskrifta.

Kontaktutval for sals- og skjenkekontrollen bør halda regelmessige møter minst to gonger i året for å evaluere og samordne kontrollordninga, samt rapportere tilbake til kontrollutvalet for sals- og skjenkestader v/formannskapet.

I punkt 4. Skjenkeløyve 4.1 bør ein definere kva som ligg i overnattingsverksemdar. Skal skjenkestad med f. eks. to overnattingsrom definerast som overnattingsstad eller er det der driftskonseptet er basert på overnatting. Tilsvarande dilemma frå ein også der ein konkurrerer med sals- og skjenkereglar i nabokommunen. Er det relevant moment?

Når det gjeld tilhøvet til andre planar(kap. 6 i handlingsplanen) så er det eit spørsmål om strategisk næringsplan no har gått ut på dato og framleis relevant. I kommunedelplan for helse- og omsorg er det ikkje nemnt noko om rusførebygging direkte i denne planen, men den vil likevel legge føringar på alle tiltak som kan førebygge helseskade, difor er denne teke med som eit nytt underpunkt.

Konklusjon

Alkoholpolitisk handlingsplan vert revidert i samsvar med reglane for nytt prikkbelastningssystem. I tillegg bør alkoholpolitisk handlingsplan også omfatte lukka einskildarrangement som i noverande plan.

Formannskapet - 037/2020

FS - behandling:

Saka vart drøfta.

Rådmannen blir beden om å oppdatere handlingsplanen etter diskusjon i formannskapet før kommunestyret.

Framlegg til vedtak vart samrøystes tilrådd til kommunestyret.

FS - vedtak:

Framlegg til alkoholpolitisk handlingsplan vert vedteke slik den ligg føre vedlagt

Sakspapir

Sakshandsamar	Arkiv	ArkivsakID
Frøde Vee-Haugen	FA-U62	20/93

Saknr	Utval	Type	Dato
038/2020	Formannskapet	PS	27.04.2020
026/2020	Kommunestyret	PS	14.05.2020

Nye salsløyver for alkohol perioden 2020 - 2024

Rådmannen sitt framlegg til vedtak:

1. Salsløyve for alkoholgruppe 1(inntil 4,7 volumprosent) vert tildelt:
Geir Ove Matre, 5984 Matredal - Matre handel, Joker Haugsvær
Marianne Ulvatn, 5986 Hosteland - Spar Hosteland i Nordbygda Senter
Marit Krossøy, 5981 Masfjordnes - Daglegvarebutikken i Andvikgrend
Kariann Ekren, 5981 Masfjordnes - Kvingo Nærkjøp AS
Monica Skjelanger, 5729 Masfjordnes - Sandnesbutikken AS
2. Som styrar og avløyser vert desse godkjend:
Joker Haugsvær
Styrar: Geir Ove Matre, 5984 Matredal, avløyser Wenche Trodal, 5986 Hosteland
Spar Hosteland - Styrar: Marianne Ulvatn, 5986 Hosteland
Nærbutikken Tomas Krossøy - Styrar: Marit Krossøy, 5981 Masfjordnes, avløyser Rigmor Haugsdal, 5981 Masfjordnes
Nærbutikken Kvingo - Styrar: Kariann Ekren, 5981 Masfjordnes, avløyser Øyvind Ekren, 5981 Masfjordnes
Nærbutikken Sandnes - Styrar: Monica Skjelanger, 5729 Modalen.
3. Det vert gjort unntak for kravet til avløyser for Spar Hosteland v/Marianne Ulvatn, jf. alkoholova § 1-7c, 1. ledd. Når det gjeld Sandnesbutikken må dei få godkjend avløyser så snart kunnskapsprøven kan haldast.
4. Løyvet gjeld for kvardagar frå kl. 09.00 - 20.00 og dagar før helgedagar frå kl. 09.00 - kl. 18.00 i samsvar med alkoholpolitisk handlingsplan pkt 5.1.
5. Løyveperioden gjeld frå og med 01.04.2020 til og med 31.03.2024 jf. alkoholova § 1-7.

Heimel

Alkoholova med forskrifter.

Saksopplysningar:

Bakgrunn

Desse salsstadene med løyvehavarar søker om oppattning av salsløyve for 4 år:

Geir Ove Matre, 5984 Matredal - Joker Haugsvær i Haugsværtunet

Marianne Ulvatn, 5986 Hosteland - Spar Hosteland i Nordbygda Senter

Marit Krossøy, 5981 Masfjordnes – Nærbutikken Tomas Krossøy

Kariann Ekren, 5981 Masfjordnes - Kvingo Nærkjøp AS

Monica Skjelanger, 5729 Modalen - Sandnesbutikken AS

Eksisterande løyveperiode for alle salsstader gjeld fram til 31.03.20. Løyvet gjeld likevel til utgangen av den månaden der løyvet vert endeleg avgjort, jf. alkohollova § 1-6, siste ledd. Kommunen har sendt brev til dei aktuelle salsstadene om søknadsfrist den 1.03.2020.

Uttale

Skatteoppkrevjaren har i e-post datert 31.03.20 gjeve slik uttale:

«Skatteoppkrevjaren i Masfjorden har ingen merknader til søknadane om salsløyve for alkoholhaldig drikk for:

998462339 Nordbygda senter AS

981375041 Nærbutikken Tomas Krossøy v/Marit Krossøy

956263360 Matre handel

993608777 Kvingo Nærkjøp AS

997582470 Sandnesbutikken AS

Lensmannen har i brev datert 26.03.20 gjeve slik oppdatert uttale:

«Viser til brev av 17.3.2020.

Politiet har ikkje merknader til at det vert gjeve sals- og skjenkeløyve som søkt om. Vi har ikkje registrert problem i samband med dei aktuelle skjenkeløyva. Politiet har ikkje merknader til dei ansvarlege.

Vi gjer merksam på at Kvingo Nærkjøp av søkt om salsløyve til kl. 2000 der opningstida er til kl. 1800. Vidare er tidspunkta i søknaden til Joker Haugsvær feilførte. Vi ber om at desse feila vert retta opp i den vidare sakshandsaminga.»

NAV Fensfjorden har den 18.03.2020 gjeve slik uttale:

NAV Fensfjorden har vurdert søknader om nye sals- og skjenkeløyver frå:

Org.nr. 998462339 Nordbygda Senter AS v/Marianne Ulvatn

Org.nr. 981375041 Nærbutikken Tomas Krossøy v/Marit Krossøy

Org.nr. 956263360 Matre Handel v/Geir Ove Matre

Org.nr. 993608777 Kvingo Nærkjøp as v/Kariann Ekren

Org.nr. 997582470 Sandnesbutikken AS v/Monica Skjelanger Reknes

Vi har ingen merknadar til søknadane slik dei føreligg.

Fakta

Joker Haugsvær søker om løyve

frå kl. 08.00 – kl. 20.00 måndag-fredag og frå kl. 09 - kl. 18.00 på laurdag.

Dette er feilført i søknaden men korrigert i ettertid.

Spar Hosteland søker om løyve

frå kl. 09.00 – kl. 20.00 måndag-fredag og frå kl. 09 - kl. 18.00 på laurdag.

Nærbutikken Tomas Krossøy søker om løyve

frå kl. 10.00 – kl. 17.00 måndag-torsdag, fredag til kl. 18.00 og frå kl. 10.00 - kl. 15.00 på laurdag.

Kvingo Nærkjøp søker om løyve

frå kl. 10.00 – kl. 20.00 måndag-fredag og frå kl. 09.00 - kl. 18.00 på laurdag.

opningstid i butikken er ført opp til kl. 18.00 i søknaden, men dei opplyser at dette kan variere etter sesong og ulike arrangement.

Nærbutikken Sandnes søker om løyve

frå kl. 09.00 – kl. 20.00 måndag-fredag og frå kl. 10.00 - kl. 18.00 på laurdag.

Eksisterande løyve

Alle har salsløyve for alkoholgruppe 1, kvardagar frå kl. 09.00 - 20.00 og dagar før helgedagar frå kl. 09.00 - kl. 18.00. Dette er i samsvar med gjeldande alkoholpolitisk handlingsplan pkt 5.1.

Alle søkerane med styrarar og avløyssarar har dokumentert kunnskap om alkohollova ved at dei har stått i kunnskapsprøven som Masfjorden kommune har halde, jf. alkohollova §1-7c, 3. ledd. Spar Hosteland har ikkje ført opp avløyssar i sin søknad, men opplyser at dei vil sende to personar til kunnskapsprøven så snart det let seg gjere å ta denne. Sandnesbutikken har heller ikkje ført opp avløyssar. På grunn av at noverande styrar har vore lite til stades i butikken, har dei meld opp Jolaug Haugsvær. Prøven har dessverre måtta utsettast på grunn av dei ekstraordinære tiltaka.

Alle løyvehavarane har levert inn omsetningsoppgåve for 2019 samt attest for skatt og meirverdi.

Vurdering

Kommunen har til no ikkje motteke kontrollrapportar eller klager av nokon art som tyder på at reglane i alkohollova med forskrifter ikkje har vore følgt for dei salsstadene som har søkt om løyve. Erfaringane så langt med løyva har vore tilfredsstillande. Det vert såleis lagt til grunn at reglane i alkohollova bl.a. når det gjeld sal til mindreårige vert følgt ved ei oppattnying av salsløyva.

Salstidene for alle salsløyva har blitt følgt.

Løyvehavarane har dokumentert tilfredsstillande kunnskap om alkohollova.

Det ligg ikkje føre ny informasjon eller opplysningar som gjev grunnlag for å gå bort i frå tidlegare praksis med å gje salsløyve til alle søkerane for ein periode på 4 år.

Dei løyvehavarane som ikkje har ført opp avløyssar bør få fritak for dette. Det vil virka urimeleg av omsyn til salsstadane sin storleik å stilla eit slikt krav, jf. alkohollova § 1-7c, 1. ledd. Det føreset også at styrar for butikken er til stades i den daglege verksemda og lett tilgjengeleg. Difor vil eg gå inn for at Sandnesbutikken også får godkjend ein avløyssar.

For dei andre søkerane som har ført opp avløyssar i sine søknader, er dette likevel ein styrke.

Konklusjon

Det vert gjeve salsløyve for alkohol gruppe 1 for dei løyvehavarane som har søkt om oppattning.

Løyveperioden gjeld for 4 år. Salstida vert kvardagar frå kl. 09.00 - 20.00 og dagar før helgedagar kl. 09.00 - 18.00. Det er i samsvar med eksisterande løyveperiode.

Formannskapet - 038/2020

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

1. **Salsløyve for alkoholgruppe 1(inntil 4,7 volumprosent) vert tildelt:**
Geir Ove Matre, 5984 Matredal - Matre handel, Joker Haugsvær
Marianne Ulvatn, 5986 Hosteland - Spar Hosteland i Nordbygda Senter
Marit Krossøy, 5981 Masfjordnes - Daglegvarebutikken i Andvikgrend
Kariann Ekren, 5981 Masfjordnes - Kvingo Nærkjøp AS
Monica Skjelanger, 5729 Masfjordnes - Sandnesbutikken AS
2. **Som styrar og avløysar vert desse godkjend:**
Joker Haugsvær
Styrar: Geir Ove Matre, 5984 Matredal, avløysar Wenche Trodal, 5986 Hosteland
Spar Hosteland - Styrar: Marianne Ulvatn, 5986 Hosteland
Nærbutikken Tomas Krossøy - Styrar: Marit Krossøy, 5981 Masfjordnes, avløysar
Rigmor Haugsdal, 5981 Masfjordnes
Nærbutikken Kvingo - Styrar: Kariann Ekren, 5981 Masfjordnes, avløysar Øyvind Ekren,
5981 Masfjordnes
Nærbutikken Sandnes - Styrar: Monica Skjelanger, 5729 Modalen.
3. **Det vert gjort unntak for kravet til avløysar for Spar Hosteland v/Marianne Ulvatn, jf. alkohollova § 1-7c, 1. ledd. Når det gjeld Sandnesbutikken må dei få godkjend avløysar så snart kunnskapsprøven kan haldast.**
4. **Løyvet gjeld for kvardagar frå kl. 09.00 - 20.00 og dagar før helgedagar frå kl. 09.00 - kl. 18.00 i samsvar med alkoholpolitisk handlingsplan pkt 5.1.**
5. **Løyveperioden gjeld frå og med 01.04.2020 til og med 31.03.2024 jf. alkohollova § 1-7.**

Heimel

Alkohollova med forskrifter.

Sakspapir

Sakshandsamar	Arkiv	ArkivsakID
Frode Vee-Haugen	FA-U63	20/134

Saknr	Utval	Type	Dato
039/2020	Formannskapet	PS	27.04.2020
025/2020	Kommunestyret	PS	14.05.2020

Nye skjenkeløyver for 2020 - 2024

Vedlegg:

Journalposttittel

Vedlegg 2 - oversiktsteikning over lokalet

Teikning.pdf

Dato

02.03.2020

06.03.2020

Rådmannen sitt framlegg til vedtak:

1. Nye skjenkeløyve vert tildelt desse løyvehavarane v/dagleg leiar:
Berit Karin Lygre, 5981 Masfjordnes – Fjordtun kafé AS.
Kariann Ekren, 5981 Masfjordnes – Snikkarbua AS, ved Kvingo nærkjøp.
Kristine Brekke, 5981 Hosteland – Kritthuset AS i Fensfjordbygg
 2. Desse vert godkjend som styrar og avløyssarar for skjenkeløyvet:
Fjordtun kafé AS – Styrar: Berit Karin Lygre, 5981 Masfjordnes.
Avløyssar: Åsmund Kvinge, 5981 Masfjordnes
Snikkarbua kafe og pub – Styrar: Karianne Ekren, 5981 Masfjordnes
Fritak for avløyssar
Kritthuset AS – Styrar: Kristine Brekke, 5986 Hosteland
Avløyssar: James Philip Palmer, 5986 Hosteland
 3. Løyvet omfattar desse lokala/uteareal:
Sandneskafeen:
- Hovudlokale 1. etasje ca. 100 m2.
- Uteområdet ca. 100 m2 med merka område i inngjerda og skjerma hage.
Snikkarbua pub og kafe:
Eksisterande lokale med tilknytning til Kvingo nærkjøp på 137 kvm.
På baksida eit avgrensa uteareal på 118 kvm med tak og gjerde rundt.
På framsida eit avgrensa uteareal på 134 kvm med vilkår at området for uteservering ikkje er innestengd med vegg i tidsrommet for servering og skjenking. Heile veggområdet må vere opent, men med tydeleg avgrensing av arealet.
Kritthuset:
1. etasje i Fensfjordbygget, lokalitet på 80 kvm.
4. Løyva gjeld for øl og vin og vert gjeve alle dagar frå kl. 13.00 til kl. 01.00.
 5. For slutta selskap gjeld utvida løyve for alkohol i gruppe 1, 2 og 3 slik:
Alle skjenkestader frå kl. 13.00 til kl. 02.00.
 6. Det er eit vilkår at det vert matsservering i både pubdel og kafeteriadel av lokala.
 7. Skjenkeløyvet gjeld frå og med 01.04.2020 til og med 31.03.2024, jf. alkoholova § 1-7.

Saksopplysningar:

Bakgrunn

Det er tre skjenkestader som søker om nye skjenkeløyver for perioden 2020 til 2024:
Sandneskafeen v/Berit Karin Lygre, 5981 Masfjordnes.

Eksisterende løyveperiode for alle skjenkestader gjeld fram til 31.03.20. Løyvet gjeld likevel til utgangen av den månaden der løyvet vert endeleg avgjort, jfr. alkohollover § 1-6, siste ledd. Kommunen har informert eksisterende løyvehavarar med brev om ein søknadsfrist den 01.04.20.

Uttale

Skatteoppkrevjaren har i e-post datert 31.03.20 gjeve slik uttale:

Skatteoppkrevjaren i Masfjorden har ingen merknader til søknadane om serverings- og skjenkeløyve for:

993608777 Snikkarbua Kafe og Pub

918775625 Fjordtun kafé AS

924384913 Krittthuset AS

Lensmannen har i brev datert 26.03.20 gjeve slik oppdatert uttale:

«Viser til brev av 17.3.2020.

Politiet har ikkje merknader til at det vert gjeve sals- og skjenkeløyve som søkt om. Vi har ikkje registrert problem i samband med dei aktuelle skjenkeløyva. Politiet har ikkje merknader til dei ansvarlege.»

NAV Masfjorden sosialtenesta har den 18.03.2020 gjeve slik uttale:

NAV Fensfjorden har vurdert søknader om nye sals- og skjenkeløyver frå:

Org.nr. 993608777 Snikkarbua Kafe & Pub v/Kariann Ekren

Org.nr. 924384913 KRITTHUSET AS v/Kristine Brekke Brosvik

Org.nr. 918775625 Fjordtun kafe AS v/Berit Karin Lygre

Fakta

Alle søkarane søker om allment skjenkeløyve i 4 år slik:

Fjordtun Kafé AS

Eksisterende løyve gjeld innandørs alle dagar frå kl. 13.00 – 01.00 og utandørs alle dagar frå kl. 13.00 - kl. 01.00. Alkoholgruppe 1 og 2.

- Hovudlokale i 1. etasje inngang frå/til hovudlokale og uteområde med inngjerda og skjerma hage. Inngang frå/til hovudlokale.

Skjenkestadane søker om oppattning av eksisterende skjenkeløyve. Ute-arealet er rekna til 60m² og inne-arealet til 75m². Uteområdet vil bli brukt til uteservering i sommarhalvåret for gjester som ynskjer å nyta mat og/eller drikke utandørs.

Har pr. no ikkje fått innlevert teikning over innandørs og utandørs skjenkeareal.

I søknaden vert det opplyst om at:

«Dagleg leiar/løyvehavar vil sjå til at regelverket vedkomande sal og servering av alkohol vert etterlevd. Aldersgrense er her sett til 18 år, som vil gjelda på reine pubkveldar. Verksemda fungerer til dagleg som kafé, der alle har tilgang. Opningstida er ulik frå partalsveker til oddetalsveker, måndag og tysdag i utgangspunktet stengt, men kan vera ope for lukka lag. Ved større arrangement som konsertar o.l., kan opningstida laurdag bli som oppsett

fredag, dvs. til kl. 01.00.»

Berit Karin Kvinge er ført opp som dagleg leiar og styrar for skjenkeløyvet medan Åsmund Kvinge er ført opp som avløyser. Begge har kunnskapsprøven i alkoholova.

Snikkarbua Kafe & Pub:

Eksisterande løyve gjeld innandørs alle dagar frå kl. 13.00 – 01.00 og utandørs etter nærare vilkår alle dagar frå kl. 13.00 - kl. 01.00. Alkoholgruppe 1 og 2.

Snikkarbua søker om oppattnying av løyve alle dagar frå kl. 13.00 til kl. 02.00 og for alkoholgruppe 1, 2 og 3 med høgst 60% alkoholinnhald. Tal sitteplassar innandørs er 200 og tal sitteplassar utandørs er 50. Arealet er vist på vedlagt teikning.

I søknaden vert det opplyst om type verksemd:

«Kafe og pub. Me driv også bubilparkering. Og me har utleige til overnatting i "solariumet". Der har me 2 rom. På grunn av at me no har overnatting tilgjengeleg søker me om skjenkeløyve med høgst 60%.»

Skjenkeareal utandørs er 270 kvm og innandørs 136,7 kvm.

Om bruk av arealet:

«Me har eit uteareal på framsida av puben. På baksida har me nytt uteareal med tak og gjerde rundt. Det er på grunn av denne plassen me no søker nytt løyve.»

Rutinar:

«Me har vakter ved utgangar og inngang. Me kontrollerer uteområdet jamleg, at ingen drikk utanfor. Det blir sjekka legitimasjon ved inngang til puben. Dersom det er dagtid blir legitimasjon sjekka ved sal.

Dagleg leiar og styrar for verksemda er Kariann Ekren. Dei har ikkje meld inn avløyser for verksemda på grunn av storleiken.

Kritthuset AS

Denne serveringsstaden har ikkje skjenkeløyve frå før. Den skal ha sin lokalitet i fyste etasje i Fensfjordbygget.

Serveringsstaden søker om skjenkeløyve alle dagar frå kl. 09.00 til kl. 02.00 innandørs for alkoholgruppe 1, 2 og 3 med høgst 60 % alkoholinnhald.

Type verksemd oppgjeve som kafe/konditori:

«Kritthuset AS søker om skjenkeløyve på grunnlag av at vi har lyst å ha moglegheitene til å skjenke alkohol til gjester. Vi vil også ha moglegheita til å ha eit samlingspunkt for gjester i helgene ein gang i blant på kveldstid. Vi søker om gruppe 1, 2 og 3, og håper vi kan få alle gruppene. Vi har ingen moglegheiter til overnatting, men ønsker å søke om gruppe 3 på grunnlag av at vår største konkurrent, Dalsøyra kafé og pub, har denne gruppa også, og vil da være meir attraktivt for besøkande å heller nytta seg av konkurrentane sitt serveringstilbod i Gulen kommune, der det ikkje er krav om overnatting for skjenking i gruppe 3.»

Tal på sitteplassar innandørs er sett til 40 med eit areal på 80 kvm.

Mattilsynet har godkjend lokalet pr. 27.01.2020. Søknad om byggeteknisk godkjenning er under handsaming.

Rutinar:

«Det skal under ingen omstendigheter være i tvil om den personen som får skjenket alkoholholdig drikk i gruppe 1 og 2 er over 18 år, og skjenking av alkoholholdig drikk i gruppe 3 må ikke skje til personer under 20 år, selv om vedkommende viser frem skriftlig fullmakt fra foreldre, foresatte eller andre. Ansatte på salgs- og skjenkesteder har ved tvil om alder rett og plikt til å kreve legitimasjon. Og hos oss i Kritthuset skal det alltid sjekkes om vedkommende er yngre enn 25 år.»

«En utfordring for Kritthuset AS er at gjester tar med alkohol ut av lokalet for f.eks. ta seg en røyk. Da Kritthuset ikke har skjenkeløyve utenfor lokalene inne er dette noe som må passe ekstra på at gjester ikke gjør.»

«For å begrense at gjester medtar alkohol ut av lokalet må vi sette opp eit bord nært inngangen, ved serverings disken der det blir enkelt å sette fra seg og for ansatte å ha eit overblikk over alkoholen mens gjesten er ute. Vi må også gi informasjon om at alkoholen ikke kan drikkes utenfor lokalene innendørs.»

Som dagleg leiar og styrar for verksemda er oppgjeve Kristine Brekke, 5981 Hosteland. Som avløyssar er oppgjeve James Philip Palmer, 5986 Hostelandslia. Begge har kunnskapsprøven i alkohollova.

Gjeld alle søkjarar

Alle søkjarane har lever attest for skatt- og meirverdiavgift.

Alle søkarane med styrarar og avløyssarar har dokumentert kunnskap om alkohollova ved at dei har stått i kunnskapsprøven som Masfjorden kommune har halde, jfr. alkohollova § 1-7c, 3. ledd.

Vurdering

Kommunen har til no ikkje motteke kontrollrapportar eller klager av nokon art som tyder på at reglane i alkohollova med forskrifter ikkje har vore følgt for skjenkestadene som har søkt om løyve. Erfaringane med dei etablerte løyva så langt har vore gode.

Lensmannen, skatteoppkrevjaren og NAV Fensfjorden har ingen merknader til at tidlegare

Løyvehavarar får oppattnya skjenkeløyve og at Kritthuset AS får nytt løyve.

Ingen av skjenkestadene er typiske nærområder for barn og ungdom, slik dei no er definert i alkoholpolitisk handlingsplan pkt. 2.4: "Opphaldsstader og nærområder for born og unge er definert som samlingsstader som vert brukt til leik, aktivitetar i skule og/eller fritid.

Prinsippet om likebehandling av skjenkesøknader må stå sterkt, det same gjeld behovet for harmonisering av dei lokale skjenkevilkåra.

Det skal sterke grunnar for å ha vesentleg ulike opningstider mellom skjenkestadene eller aldersgrense for nokon men ikkje for andre. Argumentasjonen for at nokre av skjenkestadane er meir opphaldsstader for barn og ungdom enn andre må vera sterk. Både barnehage og skule ligg eit godt stykke unna dei fleste skjenkestadene.

Alle skjenkestadene er i større eller mindre grad ein del av det totale reiselivsproduksjonen i kommunen sjølv om ikkje alle har overnattingsstilbod, sjå også pkt. 6 i alkoholpolitisk handlingsplan.

I alkoholpolitisk handlingsplan pkt. 4.1 er der slått fat at «Skjenkeløyve for alkoholgruppe 3 vert berre gjeve til overnattingsverksemdar.»

Spørsmålet å ta stilling til blir da om Snikkarbua pub og kafe AS kjem inn under kriteriet overnattingsverksemd. Dei har opplyst at dei driv bubilparkering og at dei har utleige til overnatting i "solariet" der dei har to rom. Det er noko tvilsamt om tilbod om to rom er å rekne som overnattingsverksemd. I så fall bør alkoholpolitisk handlingsplan justerast slik at det blir tilstrekkeleg å berre tilby overnatting for å kunne ha skjenkeløyve i gruppe 3.

Kritthuset AS søker også om utvida skjenketid til kl. 2.00 og skjenking i alkoholgruppe 3. Her vert det argumentert med konkurransesituasjon i høve til skjenkestader i nabokommunen Gulen, som for eksempel Dalsøyra kafe og pub. Dei kan nok da kome i ein slik konkurransesituasjon. I dette tilfelle bør også alkoholpolitisk handlingsplan endrast om dette skal vere eit tungtvegande moment.

Gjeldande plan gjev ikkje høve til utvida skjenketid og/eller alkoholgruppe i høve til konkurransesituasjon eller avgrensa overnatting. Brennevinsløyve(gruppe 3) har uansett ikkje blitt tildelt for lenger tid enn til kl. 24.00 som i førre periode gjaldt for ei tydeleg definert overnattingsverksemd.

Etter ei samla vurdering vert det gjeve skjenkeløyve for desse tre skjenkestadane mellom kl 13.00 og 01.00 i samsvar med reglane for opningstider i alkoholpolitisk handlingsplan. Innan for dette tidsrommet kan den enkelte verksemd sjølv avgjera skjenketidene. Det vert ikkje sett aldersgrense for tilgang til lokalet, da dette kan virka urimeleg for familiar og barn og ungdom som ynskjer å kjøpa mat på dagtid.

Etablerte skjenkestader som alt har løyve bør også i denne løyveperioden få utvida løyve i samband med lukka einskildarrangement eller såkalla slutta lag.

Løyvehavarane har dokumentert gode kunnskapar om alkohollova sine reglar ved at både styrarar og avløyssarar har greidd kunnskapsprøva som kommunen har halde.

Konklusjon

Det vert gjeve skjenkeløyve for øl og vin for alle søkjarane frå kl 13.00 til 01.00 alle dagar.

Både Snikkarbua pub og kafe og Fjortun kafe får uteservering på eit nærmare definert område.

Alle skjenkestadene får utvida løyve for slutta lag for alkoholgruppe 1, 2 og 3 frå kl. 13.00 til kl. 02.00. Løyvet gjeld for perioden 01.04.20 til 31.03.24.

Styrarar og avløysarar vert godkjende slik det er søkt om.

Formannskapet - 039/2020

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

1. Nye skjenkeløyve vert tildelt desse løyvehavarane v/dagleg leiar:
Berit Karin Lygre, 5981 Masfjordnes – Fjordtun kafé AS.
Kariann Ekren, 5981 Masfjordnes – Snikkarbua AS, ved Kvingo nærkjøp.
Kristine Brekke, 5981 Hosteland – Kritthuset AS i Fensfjordbygg
2. Desse vert godkjend som styrar og avløysarar for skjenkeløyvet:
Fjordtun kafé AS – Styrar: Berit Karin Lygre, 5981 Masfjordnes.
Avløysar: Åsmund Kvinge, 5981 Masfjordnes
Snikkarbua kafe og pub – Styrar: Karianne Ekren, 5981 Masfjordnes
Fritak for avløysar
Kritthuset AS – Styrar: Kristine Brekke, 5986 Hosteland
Avløysar: James Philip Palmer, 5986 Hosteland
3. Løyvet omfattar desse lokala/uteareal:
Sandneskafeen:
- Hovudlokale 1. etasje ca. 100 m2.
- Uteområdet ca. 100 m2 med merka område i inngjerda og skjerma hage.
Snikkarbua pub og kafe:
Eksisterande lokale med tilknytning til Kvingo nærkjøp på 137 kvm.
På baksida eit avgrensa uteareal på 118 kvm med tak og gjerde rundt.
På framsida eit avgrensa uteareal på 134 kvm med vilkår at området for uteservering ikkje er innestengd med vegg i tidsrommet for servering og skjenking. Heile veggområdet må vere opent, men med tydeleg avgrensing av arealet.
Kritthuset:
1. etasje i Fensfjordbygget, lokalitet på 80 kvm.
4. Løyva gjeld for øl og vin og vert gjeve alle dagar frå kl. 13.00 til kl. 01.00.
5. For slutta selskap gjeld utvida løyve for alkohol i gruppe 1, 2 og 3 slik:
Alle skjenkestader frå kl. 13.00 til kl. 02.00.
6. Det er eit vilkår at det vert matservering i både pubdel og kafeteriadel av lokala.
7. Skjenkeløyvet gjeld frå og med 01.04.2020 til og med 31.03.2024, jf. alkohollova § 1-7.

Heimel

Alkohollova med forskrifter

Sakspapir

Sakshandsamar	Arkiv	ArkivsakID
Anne Kristin Rafoss	FE-033	20/368

Saknr	Utval	Type	Dato
040/2020	Formannskapet	PS	27.04.2020

Referatsak

Tilknytte dokument:

1. Rehabilitering og oppgradering av boliger og bygg - Appell fra BNL
2. Region Nordhordland - prioritering av prosjektskjøn 2020

Rådmannen sitt framlegg til vedtak:

Referatsaker vert tekne til orientering

Saksopplysningar:

Formannskapet - 040/2020

FS - behandling:

Referatsaker:

Skriv 1: Rehabilitering og oppgradering av boliger og bygg - Appell fra BNL

Skriv 2: Region Nordhordland - prioritering av prosjektskjøn 2020

Orientering frå ordførar:

- Ordførar spurte om ein kunne utsette kommunestyremøte 30.04.20. Ny dato vert bestemt etter at nye retningslinjer vert lagt fram 04.05. Formannskapet slutta seg samla til dette.

Framlegg til vedtak vart samrøystes vedteke.

FS - vedtak:

Referatsaker vert tekne til orientering

Rett utskrift frå møteboka frå formannskapet 27.04.20 vert vitna:

Karstein Totland
ordførar

Torill Torsvik Størkersen
varaordførar